

粵東牛痘之法昉自外洋傳於中華
行之江右余宰修江時曾知其有大
裨於嬰赤旋里後糾同人醵金過此
章習其術為桑梓利卒以資斧不缺
未獲如願而還己丑客都門又見人

之宦於京者以此為濟世之舉同其
友人攜幼以叩門者接踵余幼子名
德年方再週未種痘正擬假歸絜紉
遊粵為就醫計適衡山吳君珍儒醫
潭夙擅其技系其書閱之與二上年

前江右所搆之書無異急延請佈種
十餘日現點成漿結痂小兒不知痛
苦尤不受其驚真保赤良方也旋送
散花妙手四字額其廬今春三月吳
君復來余第五子亦請種之時廬舍

葉君松筠有子就學余家因命同族
松筠有難色余曰無傷也萬全之法
無事駭異可即在館中批點余戶內
任累十餘日行所無事松筠心慕其
妙欲將種痘之書刊刻以廣其痘科

之法術之用心也顧吾思之天下安
危之境人無不知趨避以小兒之出
痘乃人生幼年第一種砭肌燂髓之
症今有人焉履險如夷而數年之久
不能大展其能是豈真世人之闇而

不悟耶母亦忌之者有人疑之者有
人忌之者忘其術之行而顯奪其利
疑之者疑其術之偽而陰受其害利
與害中於人心是以操術者雖工而
終不能行也今葉君既以其子身試

之又為刊其書以播揚之則所以破
其奸堅其信庶幾於一時之赤子渡
以慈航乎書將成囑余為序余因即
目擊而親歷者書以質之同志焉可
也是為序

道光辛卯夏四月湘潭尹作翰并書

阿芙蓉客

妻源中

國

存單
鴉片
網

奉

名

阿

芙蓉

力

楚猶秋

林示未全

丹若
傳杷
各伐

省

瘕古
名丹
稍

得見壽

補人年

南海邱氏

浩洋牛
川引脰
傳小
西晃涉

二十年来
行乞甚廣
余家小兒